

# Kerja sambilan tampung pengajian

Oleh Siti Nur Fatinah Faqih Kamaruzaman

**PADA** era globalisasi ini, ramai pelajar melanjutkan pengajian di institusi pengajian tinggi.

Justeru, apabila menerima pinjaman kewangan, tentu bebanan yang ditanggung dapat dikurangkan.

Bagi yang memperolehnya pasti menarik lafaz lega, namun bagaimana pula nasib yang gagal?

Bukan asing lagi jika kita melihat ada siswa yang terpaksa bekerja sambilan bagi menampung keperluan kewangan yang tidak mencukupi demi

memastikan kelangsungan kehidupan dan pengajian.

Perkara ini satu fenomena bagi siswa yang ingin memperoleh lebih wang saku. Jika dilihat, ramai antara mereka sanggup berhempas pulas bekerja sambilan dengan mengetepikan masa rehat dan tidur.

Senario siswa membuat kerja sambilan ini bukan perkara baru, namun mungkin banyak juga implikasinya jika tidak ditangani dengan baik.

Antaranya sudah tentu tumpuan pada pelajaran. Jika komitmen masa berjaya dibahagikan dengan baik, pasti mampu men-

cerna kecemerlangan dan kejayaan sebagai graduan berkualiti.

Siswa yang ingin melakukan kerja sampingan perlu berhati-hati dan mematuhi piawaian asas yang ditetapkan setiap majikan agar pekerjaan yang dilakukan tidak menjiskan nama institusi pengajian serta tidak mengganggu prestasi pelajaran mereka.

Dengan kos sara hidup yang semakin tinggi seiring peredaran zaman, ia tidak memberi banyak pilihan kepada mereka yang tidak mendapat pembiayaan untuk bekerja sam-

bilan.

Namun bagi yang memperoleh pinjaman, jangan ingat hidup sudah selesai. Mereka juga tidak terlepas daripada kekangan perbelanjaan.

Salah satu daripada penyelesaian itu ialah meminta sokongan daripada ibu bapa. Namun jika masih lagi kurang, kerja sambilan adalah alternatif terbaik.

Dengan kos pengajian yang semakin tinggi, adamasanya wang pembiayaan dan pinjaman hanya cukup untuk membayar yuran pengajian saja dan selebihnya digunakan bagi

keperluan harian lain.

Ada ketikanya mereka terpaksa mengikat perut kerana wang yang ada hanya khusus untuk keperluan pembelajaran saja.

Dengan adanya langkah bijak yang dilakukan menerusi kerja sambilan, sekurang-kurangnya mampu menjadi talian hayat yang sangat praktikal dan relevan.

Faktor ini menyumbang dan membantu golongan itu dalam kekangan perbelanjaan demi menanggung kos pengajian.

Pendekatan yang diambil ini perlulah mengikut kemampuan dan kebole-

han siswa secara individu.

Pihak institusi juga ada menyediakan bantuan kepada siswa. Sekurangnya, dengan cara ini mampu memberi pendapatan sementara bagi menanggung kos seharian, sekali gus membantu siswa daripada terus sengsara.

*Penulis ialah siswa Universiti Sains Islam Malaysia, Nilai Negeri Sembilan.*

*Warga kampus yang ingin berkongsi penulisan mengenai isu semasa boleh menghantarnya kepada ruhaizarusmin@mediaprima.com.my atau rencana@mediaprima.com.my*